



咏松

■杜向辉（甘肃临洮）

不畏严寒不羨春，崇山险岭历艰辛。
千年惠誉谈何易？雪压风欺疤满身！

醉汉

■杜向辉（甘肃临洮）

醉酒不知归去路，闲亭独卧忘千愁。
清风阵阵珠帘笑，呓语绵绵过客忧。
梦里青春生白发，醒时明月挂云楼。
幽幽静夜行人寂，一枕凄凉泪哽喉。

端午情

■陈瑞珍（甘肃临洮）

鼓角声喧渡碧江，家家香粽祭忠邦。
由来节序含深义，长使今人忆楚腔。

初秋

■陈瑞珍（临洮）

伏气销残暑渐收，西风初拂碧塘头。
忽飘梧叶阶前落，便觉清光眼底浮。
万里云天开远意，千重烟水淡闲愁。
何须待尽群芳老，一点清痕报早秋。

临洮千姿岗冬景

■张建民（甘肃临洮）

千峰裹素覆岗峦，万木凝霜缀玉盘。
盛会启时人似织，欢声撞碎晓冰寒。

六月游美仁草原

■祁永忠（甘肃临洮）

雨歇郊原逸兴赊，长川极目渺无涯。
幡随风影摇晴昼，草拥烟光衬晚霞。
野畜慵眠芳草地，清谣婉转远山斜。
尘缘一洗心无累，满袖馨香揽物华。

过会宁会师楼感怀

■祁永忠（临洮）

清秋踏迹谒雄楼，莽陇风烟眼底浮。
万里长征霜满旆，三军聚此奠安筹。
墙留旧弹痕凝碧，云展新旌气自遒。
立久方知来处重，长将热血续新猷。

望岳诗词网校学习感言

■李俊臻（甘肃临洮）

学习多收获，重逢毕业期。
诗词吟望岳，风雅拜恩师。
勤苦初心慰，安闲远梦追。
神州文化美，歌赋景雄奇。

忆林业调查

■李俊臻（临洮）

相思心不老，最忆是青春。
野外忧风雨，山中忘日辰。
犹欣标地至，更喜绘图臻。
行路逢桥断，黄昏林调人。

洛克之路

■李军（甘肃兰州）

辞行扎古路姬盘，百绕云峰涉险竿。
幽谷溪回村舍静，断崖风啸雪涛寒。
牧歌连野接天碧，幡影移霞映岭丹。
遥见石城阴雾里，方知世外渡清欢。

游贵阳荔波

■李军（临洮）

绝壁层层出，群峰处处惊。
林深多异鸟，无影但啼声。

咏秋蝉

■张建得（临洮）

高柯振翼自悠然，蛻尽尘泥始向天。
疏叶栖身迎酷暑，清声送夏入遥川。
非求世上浮名重，惟爱林中素志坚。
几度风宵啼未歇，一腔幽思付云烟。

沁园春·贺临洮高考学子

■张建得（甘肃临洮）

洮水汤汤，岳麓巍巍，紫气正昂。
看古城狄道，书声朗朗；超然台下，意气飞扬。
十载寒窗，三更灯火，笔底波澜卷大江。
今朝试，借长风万里，直上穹苍。

莫言前路苍茫，有无数英才竞栋梁。
赞囊萤映雪，初心未改；披星戴月，壮志难量。
折桂蟾宫，题名雁塔，不负青春好景光。
待明日，盼陇原骄子，再谱华章。

犇生寺山门建成有感

■骆俊辉（甘肃临洮）

新坊玉立焕清眸，瑞气萦林崇殿楼。
柱刻禅心求法雨，檐垂善念应芳丘。

晨钟始起千山静，暮鼓随鸣万虑休。
龙凤呈祥非俗意，无明生肖自王侯。

沁园春·临洮

■骆俊辉（甘肃临洮）

槐里源头，万乘雄图，四野彩陶。正山清水秀，声扬雅韵；碑崇庙颂，香绕神皋。跨凤升台，忧容闭月，玉映南屏诵古谣。登临处，忆陇西旧郡，谁领风骚？
常怀天下文韬，继先哲、群英来弄潮。看宅门各阔，道宽途稳；诗情更兴，鸟乐花娆。光伏迎阳，银鹰掠宇，共与长城试比骄。太平世，听鼓鼙震地，龙舞青霄！

注：玉，指临洮北部马衔山（陇右最高峰）特有的玉石，比和田玉硬度更高。

临江仙·参观天眼

■赵维荣（甘肃临洮）

翠岭层围洼谷阔，一炉银镜藏山。凝神静默听星寰。遥听天外响，细探宇中玄。
感念先贤殚岁月，深耕荒岭攻坚。国之重器震人间。心随星汉远，浩气满黔峦。

长征

■王琼（甘肃临洮）

——

万里走征尘，山河泣鬼神。
寒桥横铁索，绝岭卧冰鳞。
鼓角穿云碎，旌旗带血新。
雄关漫道越，旭日照归人。

二

极目楚天垠，烽烟逐战神。
寒江浮铁马，绝壁碎冰鳞。
志决千秋业，情同万里亲。
会师歌慷慨，浩气扫征尘。

初夏雨后见槐花飘落

■罗尚慧（甘肃临洮）

一场新雨漫长空，碎玉残英覆旧蓬。
莫叹枝头花褪尽，白头不碍赏清风。

卜算子·牡丹

■白海燕（甘肃临洮）

都道牡丹仙，独领群芳色。艳骨凝香世人倾，敢把春风傲。
我叹花期轻，开落须臾息。太过雍华不耐久，难作心头客。

行香子·小院春居

■白海燕（甘肃临洮）

小院春来，暖意洋洋。满园中、百色争芳。桃红梨白，草木新香。恰花初绽，风正好，景悠长。
香椿嫩嫩，园池流响。伴疏篱、清趣寻常。高松撑翠，独傲斜阳。动归田梦，闲居意，恋春光。

卧龙寺

■赵向东（甘肃临洮）

西岩千丈隐云涛，天赐蟠身卧寂寥。
半壁嘘声成细雨，晨钟暮鼓九层霄。

立秋

■赵向东（临洮）

暑气未消秋已至，桐阴月下响寒蝉。
西风欲动流萤舞，一枕新凉一惘然。

桂林印象

■石军礼（甘肃临洮）

美景桂林天下扬，欢游六日步匆忙。
浓甜色艳红蕉糯，稚趣童声《苹果香》。
揽胜尧山寻帝迹，摇舟荔浦见瑶房。
漓江烟雨撩人醉，情愿还来觅凤凰。

注：“红蕉”指桂林红香蕉；“稚趣”句，同行的旅客中有一个叫悠悠的四岁小女孩，大巴车上唱《苹果香》。

屈原颂

■张寿岭（甘肃临洮）

屈子贞行炳世传，含忠履洁鉴巍然。
离骚禀气清灵地，浪漫豪情藉问天。
辞赋菁华呈锦绣，声名芳泽著香妍。
怀沙志尚千秋颂，国士诗宗日月悬。

注：朱熹曰：“禀气之清者，为圣为贤。”怀沙，《楚辞·九章》中篇名，屈原投汨罗江绝笔，述其怀沙砾以自沉之由，后以“怀沙”为忠愤投水义士之典。

仲夏与友草长沟燕聚

■陈廷平（甘肃临洮）

燕聚良朋草长沟，野花一路乐悠悠。
土鸡香漫溪边坐，泉水闲随茗里流。
蝶抱草莓商自采，云从山顶过来游。

人如有意诗何用？碧水青山笑转眸。

阵雨过后现双彩虹

■石军礼（临洮）

午后骄阳挂乱云，惊雷忽起漫天纷。
停车静看长空远，雨霁东悬两彩纹。

屋后高枝有鹊巢

■石军礼（临洮）

夏日晨钟早，高枝鹊唱谣。
今闻声稚嫩，老鸟哺雏苗。

追虹

■白海燕（临洮）

残云催急雨，彩线挂长空。
欲逐虹踪去，徒留暮色朦。

秋成

■白海燕（临洮）

旷野秋光熟，篱园果送香。
时光交九月，硕果满山乡。

小重山·相思

■骆俊辉（临洮）

夏满嘉园银杏盈。晶窗凝翠色，路飘萍。风吹柳叶坠泉声。芳草岸，池面日昏冥。
缘起寸心诚。纱裙撩秀发，几分情？手拈香蕊誓山盟。檐双燕，脉脉子思卿。

石景峡听雨

■罗尚慧（临洮）

疑是天河玉闸斜，几湾漱石泻琼花。
青山不解凡人语，惟有钟声隔两涯。

在黄河母亲雕像前

■陈廷平（临洮）

源于青海向东流，奔涌千年势不休。
勤似蜂儿穿厚土，蜜巢结处是兰州。

观棋感怀

■陈廷平（临洮）

半日清闲对弈枰，车驱炮峙各纵横。
忽闻远海烽尘起，落子凝思若点兵。

鹧鸪天·秋霖连日

■祁永忠（临洮）

密缕拖云锁远峰，连宵敲瓦意难停。
阶痕晕碧生苔软，檐串垂珠滴响轻。
妨短约，冷闲灯，数行残墨映笺清。
推窗不见斜阳影，满袖微凉浸桂馨。